

支派。哥老會蔓延於長江沿岸各省，三合會又稱三點會，閩粵兩省最爲盛行，在南洋美洲各地通稱義興公司。考其歷史，則在清初康熙年間已有此種秘密社會之組織。其時距明亡未遠，明之忠臣義士如張煌言、瞿式耜、陳邦彥、鄭成功輩先後起兵抗滿，迭受敗挫，三數遺老知清祚已固，匡復大業非一時所能成就，乃創設一種秘密團體，爲傳播種族思想之導線，欲使後人歷久不忘亡國之慘痛，因而徐圖光復，是卽洪門團體之所由起也。洪門惟一之宗旨曰「反清復明」。其會員將滿洲之滿字寫作「滿」，清朝之清字寫作「汨」，卽明示不承認滿清有頭之義。據洪門祕冊所載，洪門真主爲朱洪竺，軍師爲陳近南，大將爲萬雲龍諸人。最初發起於福建，以少林寺爲主動機關。其初少林寺以武技名於世，清帝康熙嫉之，命寺僧遠征西域，及戰勝回朝，乃借端戕害功臣鄭君達，復派兵焚少林寺，僧衆逃生者無幾。其遺臣陳近南遂組織天地會，潛植勢力以謀復仇。遺其所部五大將蔡德忠、方大洪、馬超興、胡德帝、李式開等設立支會，是爲前五祖云云。所舉事實，似摭拾說部，附會而成。蓋欲藉民間流傳之通俗故事，以博取中等以下社會之信仰也。是會自康熙而後，二百年來潛滋暗長，長江沿岸及西南各省星羅棋布，異常發達，惟以流品日雜，對於種族觀念之表現，漸失本來面目。獨於會